

*Hæc omnia i quar-
ta Africa tabula
licet uidere ad si-
num Barbaricum.*

summum, stadia quadringenta aut quingenta. Primum autem sinum contiguum esse Aromatis, in quo post unius diei iter ab Aromatis Pano esse uicium. Opponemq; emporium à uico distare itinere dierum sex: post hoc quoq; emporium, alium cōiungi sinum, principium Azania, in cuius principio Zingina esse promontorium, & Phalangida montem tricipitem: solumq; sinum hunc uocari Apocota, qui duobus trāsfretari possit diebus & noctibus: post eā paruum sequi litus, in transitu distantiarum trium, & aliud quoq; quod Magnum litus appellatur, distantiarum quinque, quæ distantia ambæ pariter diebus & noctibus quatuor enauigari possint: his quoq; coniungi alium sinum, in quo emporiū sit, quod uocatur Essima, post nauigationem dierum duorum & noctium. Inde Serapionis portum, nauigatione diei unius, postea sinum auspicari, qui ad Rapta ducit, triū dierum & noctium transfretationem habentē, iuxta cuius principia emporium esse, quod uocatur Nici: apud Raptum uerò promontorium fluiuium Raptū ac Metropolim nominis eiusdem, parum distantē à mari. quod uerò à Raptis ad Prassum usq; est promontorium, sinum esse maximum, non tamē profundum, circum quem Barbari habitent Antropophagi.

*Quam sint inutiles Marini composi-
tiones ad designationem
orbis.*

C A P U T X V I I I.



QUAE igitur cognitionem aliquam, ab ipsa historia consensu qui debeant hucusq; annotata sint, ueruntamen ne quibusdam contentionem potius q̄ emendationem suscepisse uideamur, singula nobis per enarrationem particularem manifesta erunt: nunc uerò restat, ut ea quæ ad descriptionis pertinent aggressionem, consyderemus. Proinde quum duplex illius sit modus: primus qui orbis dispositionem in parte sphaericæ superficiē designat: secundus uerò qui in plano: ambobus id conueniuit, ut proponatur quædam operis facilitas: hoc est, ut ostendatur, quonam modo, etiam si nullum propositum sit exemplar, ex sola ea, quæ per commentaria traditur doctrina descriptionem, quantum fieri potest cōmodissime facere possimus. Etenim * traductio assidua à prioribus exemplaribus ad posteriora, propter uariationem paruum, mutationes admodum dissimiles in rem hanc egregiam inducere solet. Per modum etiā

Contra etiā exempla, siue chorographicas tabulas sine locorū notis subrefacere, periculofum, propter librorum i trascribendis numeris errata. Id etiā esse minus elegans, docet Ptolemæus duobus sequentibus capitulis.

illum, qui solis commentarijs traditur, si non sufficientem illum ad demonstrationem expositionis esse cōtingat, impossibile erit ijs, qui exemplari carent, rite consequi propositū. Quod & nunc q̄ plurimis euenisse uidemus, in tabula, quam Marinus composuit. Cum enim exemplaria ultimæ eius æditionis assequi nequuerint, sed solum ex commentarijs rem ruditer & quasi per coniecturā aggressi sint, in plurimis quæ confæsse sunt collectionis errauerunt, propter ineptitudinem & confusionem institutionis, quemadmodum unicuiq; experto consyderare licet. Quum enim ad singula loca designanda necesse sit, & longitudinis, & latitudinis positionem habere, ei qui illa debito ordine collocare uelit, non tamen confestim quis eam in cōpositionibus inueniet, sed separatim: hic enim latitudines tantum deprehendet, ueluti in positione parallelorum, alibi autem longitudines solum, quæadmodum in meridianorum designatione. Vt plurimum tamen utraq; hæc in eisdem commentarijs haud inueniet, sed in alijs quidem paralleli describuntur, in alijs uerò meridiani: ita ut tales in positionibus semper alterius ope indigeant, penitusq; ad cōsyderationē, quo loco constituenda sint singula, oīm opus sit evolutione commentariorum: quoniam in omnibus aliter de eisdem dicitur. Et si non inquiramus, quæ secundum quamlibet speciem, de eisdem exposita sunt loco, illa nos Latebunt, aberrabimusq; in multis, quibus uera observatio cōtingere deberet. Proinde in ciuitatum dispositione, littorales aliquis facilius describere posset, si penitus ordinem quendam in ipsis obseruaret: mediterraneas uerò non ita, quum nulla adhuc habitudo, siue inter ipsas inuicem, siue ad littorales illas sit signata, præterquam in paucis, in quibus euenit, ut nonnunq; longitudinis meta, aliquando uerò latitudinis locus sit definitus.

*De cōmoditate enarrationis
nostræ ad designationem
orbis.*

C A P U T X I X.



QUAE PROPTER duplicem nos laborem suscipimus. Primum ut uiri opinionem per totā obseruemus compositionem, præterquam in ijs, quibus rectificatio quædā cōtingit. Deinde ut ea quæ ab ipso manifesta non sunt facta, per historias moderniores, uel ordinē tabularum magis accuratarū, q̄ com

*Separatim de his
differuit Marinum,
& malè.*